

Quid vox **מִלְעָד** denotet, docuimus in L. de Lege Ceremoniali. 2. sc. corde. 3. Propheta res N. T. describit verbis V. T. 4. Etiam sacrificia fuerunt ex Patribus, & tamen desierunt, & committitur Elenchus oppositorum. 5. Fuit typus Baptismi, *Col. 2, 11.* 6. Quidam ad certum tempus instituta est, nempe ad adventum Messiae, ideo abrogatio ejus nullam mutabilitatis maculam Deo inurit.

8. *An Circumcisio iterari potuerit?*

Neg. Qvia ejus rei nec exemplum, nec mandatum, habemus in sacris, nec iterata Circumcisio locum habere potuit per naturam. Locus *Jos. 5, 2.* nihil obstat. Circumcisio à Josua administrata, dicitur secunda, qvod ab eo renovata sit, cū intermitteretur in deserto, ex ignorantia temporis, quando nubes apparitura, & iter suscipiendum erat.

IN LOCO
DE AGNO PASCHALI.
THEOREMATA.

1. **F**alsò quidam τὸ πάσχα derivant διὰ τὸ πάσχειν patiendo, signaturi hoc ipso salutarem Domini passionem. Rectius deducitur à **Ἄγνος** qvod Angelus Domini, stragem edens in filios Ægyptiorum, transierit Ægyptum totam, vel transiliverit ædes Israelitarum, *Exod. 12. v. 11. 17.*

2. Homonymia, est qvod notat. 1. Ipsum Angeli transitum, *Ex. 12, 23.* 2. Festum anniversarium, in memoriam ejus sanctum, *Lev. 23, 5. Num. 9, 2.* 3. Agnum, qvi in tali festo comedebatur, *Exod. 12, 21. Marc. 14, 2.* 4. Christum, Agni Paschalis antitypum, *i. Cor. 5, 7.* 5. Omnes & singulas actiones, circa agni Paschalis præparationem observandas, & in sacris depictas, *Exod. 12, 1. 2. seqq.* Hæc significatio hujus loci propria est.

3. Agnus ergo Paschalis est alterum Vet. Test. Sacramentum, in quo agnus immaculatus, anniculus, masculus, decimo quarto die primi mensis è grege communi segregatus, & decimo quarto die inter duas vesperas mactatus & igne assatus, manducabatur cum panibus azymis & herbis amaris, ritu & habitu divinitus præscripto, sanguine illius agni postibus & superliminariædium asperso, in memoriam liberationis Ægyptiacæ, & figuram veri illius agni Dei, qvi tollit peccata mundi, ad applicandam & obsignandam promissionem